

Na osnovu člana 56. Zakona o organizaciji organa uprave u Federaciji Bosne i Hercegovine ("Službene novine Federacije Bosne i Hercegovine", broj: 35/05) i člana 50. Zakona o izvršenju budžeta BPK Goražde za 2020.godinu ("Službene novine BPK Goražde", broj: 15/19), a u skladu sa Programom utroška sredstava Ministarstva za socijalnu politiku, zdravstvo, raseljena lica i izbjeglice BPK Goražde sa ekonomskog koda 614 200 (JAM 003) – Tekući transferi pojedincima - Zdravstveno osiguranje za 2020. godinu („Službene novine BPK Goražde“, broj: 2/20) i Programom izmjena i dopuna Programa utroška sredstava Ministarstva za socijalnu politiku, zdravstvo, raseljena lica i izbjeglice BPK Goražde sa ekonomskog koda 614 200 (JAM 003) –Tekući transferi pojedincima - Zdravstveno osiguranje za 2020. godinu, broj: 08-11-110-6/20 od 20.02.2020.godine, te u skladu sa članom 86., stav 1., tačka 7a. Zakona o zdravstvenom osiguranju ("Službene novine Federacije BiH", broj: 30/97, 07/02, 70/08, 48/11 i 36/18), Ministarstvo za socijalnu politiku, zdravstvo, raseljena lica i izbjeglice Bosansko – podrinjskog kantona Goražde, raspisuje:

**JAVNI POZIV**  
za podnošenje zahtjeva za ostvarivanje prava na zdravstvenu zaštitu  
za lica nakon navršenih 65 godina života i djecu od rođenja do polaska u osnovnu školu

I

Pozivaju se lica nakon navršenih 65 godina života, te djeca od rođenja do polaska u osnovnu školu, a koja nisu ostvarila i ne mogu ostvariti zdravstveno osiguranje po drugom osnovu, da u skladu sa članom 86., stav 1., tačka 7a. Zakona o zdravstvenom osiguranju ("Službene novine Federacije BiH", broj: 30/97, 07/02, 70/08, 48/11 i 36/18), pravo na zdravstvenu zaštitu mogu ostvariti putem Ministarstva za socijalnu politiku, zdravstvo, raseljena lica i izbjeglice Bosansko-podrinjskog kantona Goražde, kao obveznika uplate doprinosa za ova lica.

II

Lica iz tačke I. ovog poziva mogu podnositi zahtjeve za ostvarivanje prava na zdravstvenu zaštitu Ministarstvu za socijalnu politiku, zdravstvo, raseljena lica i izbjeglice Bosansko-podrinjskog kantona Goražde, ul. 1 Slavne Višegradske brigade 2a., u Goraždu svakog radnog dana u vremenu od 08,00 do 16,00 sati.

III

**Za lica nakon navršenih 65 godina života potrebno je dostaviti slijedeću dokumentaciju:**

**- OSIGURANIK:**

- a) Uvjerenje iz PIO-a da ne prima penziju i da se ne nalazi na evidenciji aktivnih osiguranika, ili ovjerenu Izjavu,
- b) Uvjerenje Službe za boračko-invalidsku zaštitu da ne ostvaruje prava po bilo kom osnovu,
- c) Potvrda Kantonalnog Centra za socijalni rad Goražde da nije korisnik po bilo kom osnovu,
- d) Ovjerena fotokopija Uvjerenja o mjestu prebivališta i lična karta( na uvid),
- e) Zdravstvena knjižica (nepopunjena).

**- ČLANOVI PORODICE (Ako ih osiguranik izdržava):**

- a) Vjenčani list za supružnika (suprug-supruga) i rodni listovi za djecu,
- b) Uvjerenje iz PIO-a za supružnika da nije korisnik penzije, ili ovjerenu Izjavu,
- c) Potvrda Kantonalne službe za zapošljavanje da se vodi na evidenciji nezaposlenih lica,
- d) Potvrda Kantonalnog Centra za socijalni rad Goražde da nije korisnik po bilo kom osnovu,
- e) Ovjerena fotokopija Uvjerenja o mjestu prebivališta i lična karta (na uvid),
- f) Zdravstvena knjižica (nepopunjena).

IV

**Za djecu od rođenja do polaska u osnovnu školu potrebno je dostaviti slijedeću dokumentaciju:**

- a) Rodni list djeteta,
- b) Potvrda Kantonalne službe za zapošljavanje da se podnosilac zahtjeva (osoba koja u ime djeteta podnosi zahtjev – roditelj, srodnik i sl.) vodi na evidenciji nezaposlenih lica,
- c) Ukoliko podnosilac zahtjeva nije u radnom odnosu ni na evidenciji Kantonalne službe za zapošljavanje, dostavlja Uvjerenje iz PIO-a da nije aktivni osiguranik, ili ovjerenu Izjavu,
- d) Potvrda Kantonalnog Centra za socijalni rad Goražde da podnosilac zahtjeva nije korisnik po bilo kom osnovu,
- e) Ovjerena fotokopija Uvjerenja o mjestu prebivališta i lične karte podnosioca zahtjeva (na uvid),
- f) Zdravstvena knjižica (nepopunjena).

V

Prijavni obrazac se može preuzeti na web stranici Vlade Bosansko - podrinjskog kantona Goražde (<http://www.bpkg.gov.ba/>) e-registar, kod portira na prijavnici Bosansko-podrinjskog kantona Goražde ili u prostorijama Ministarstva za socijalnu politiku, zdravstvo, raseljena lica i izbjeglice BPK Goražde .

VI

Javni poziv će se objaviti na službenoj web.stranici Vlade Bosansko – podrinjskog kantona Goražde: [www.bpkg.gov.ba](http://www.bpkg.gov.ba) i Oglasnoj ploči Bosansko – podrinjskog kantona Goražde .

VII

Javni poziv će biti otvoren tokom čitave godine.

**Ministarstvo za socijalnu politiku, zdravstvo,  
raseljena lica i izbjeglice BPK Goražde**

**MINISTAR**

Eniz Halilović

Broj: 08-33- 303/20  
Goražde, 20.02.2020.godine